

Hylli i Dritës

Ubi Spiritus Domini, ibi libertas.

(II. ad Cor. III. 17).


1. Rreth problemit të gjûhës letrare	Fq. 121
2. Spiritizmi në dritë t'arsyes	„ 134
3. Nuk është rrezik...	„ 144
4. Iliada e Homerit	„ 148
5. Nji dorshkrim i vjetës 1671 mbi Shqypni	„ 154
6. Mirdita	„ 162
7. Dr. Sufflay nder vepra të veta	„ 170
8. Nder lamiye të ditunís	„ 177

SHKODER


Shitypshkroja Françeskane

1931.

POSTA E JONË

 **PAJTIMTARVE:** *Mndyra, me të cillen u ndreqët vjet me administratë t' onë, ká kenë sá e knaqshme per Jue, aq edhe má e gzueshme e má e pangatrrueshme per né; prandej vijuem edhe siejet në ket mndyrë, në shpresë se kurrkush nuk do t' ankohej per ket rregullim administrativ t' onin. E prá áshjt gjetë ndokush, qi, jo veç se nuk e paska pasë pelqye ket mndyrë t' onen, por edhe qi áshjt ankue se na i kemi ndéjé më té aq shterngueshim ktij rregullimit aministrativ të pergjithshem, tuj mos i çue numrin e Frorit, pá pasë pague pajtimin: ndokush ndoshta edhe áshjt idhnue per ket púnë aq, sá e ká zhgrehë kryekput pajtimin në të Perkohshmen t' onë.*

Po e persrisim, prá, rishtas se: ky áshjt një vendim i administratës s' onë, i márrun një herë e pergjithmonë, e per të gjith, pá farë ndryshimit e prandej s' ká pse na e merr kurrkush per të keq e aq má pak per të fyeme.

 **BASHKPUNTORVE:** *U lutemi me na i dergue shkrimet, e sidomos ato të rasës, sá má me kohë, mostjeter ndo'i ditë perpara fillimit të mojit.*

ROMË: *A. P. G.: Muerem shka çojshi. Per kosh?... mo' Zot!... Po u çojm dy numrat. Shndet.*

WEERT (Holandë): *N. — S. E kemi márrë. Ká kënë një gabim i joni.*

TIRANË: *Riv. „, Ed. e Ré“: Nuk po U lypim me na kthye numrat e Rivistës s' onë qi u kemi dergue porsí „shndrrim“*

RRETH PROBLEMIT TË GJËHËS LETRARE.

Kallxon Virgjili në liber III. t' Enejdes (vv. 73-77), se ishulli i Delit (1), një nder Kykladet, qyshse e kishte pasë krijue Hyji, êndej e shêndej mbi syperfaqe të detit kahdo e gjithbsi të dojshin me e sjellë stuhít e tallazet. I u dhimbt Apolit e, prekë në zêmer mâ teper prej ndiesísh evarije, — per punë qi banorët e atij vendi dikúr i a paskan pasë prité mirë t'amen, Latonen, — një ditë prej ditësh i a ngjiti ishullit verigat titanike edhë e lidhi per kontinent mâ t' aferm. Q' atêherë e atêherë Deli xûni vënd, as s' paten shka me i bâ mâ furít e detit t' idhnuem.

Myti deri dikû vjen e i pershtatet fatit të kësaj gjËhës s' onë. Tue u gjetë kjo në mâ të ploten lirín e vet, per mija e mija vjetësh, pá pasë kurr një drejtim, si mizë e pakrye, shkoi tue bâ gjithnji ato methamorfozet e veta, t' arrsyeshme e të pa-arrsyeshme, si mbas andje e mbas rryme së popujvet, qi u pershkuen mbrenda kufijvet të saj. As u gjet në gjithket varg të gjatë kavaljetesh, s' po thomi një dorë Apoli, por një perjudhë dishka mâ e butë e kohës, qi t' i a ngjitëte krahin e mos t' a lËjte me u përplasë si gjá e pazot.

Sa pak e si per vegim qi të duem me i a reshtë mendes s' onë historín e kohvet kaotike qi kaluem, vedit na vjen

(1) Kû leu *Apoli* e *Diana*.

